



**COMUNE DE TERRANOVA
SETTORE PRO PROMÒVERE SA CULTURA, S'ISPORT, SU TURISMU E
S'ISTRUZIONE**

BANDU SERVÌTZIU TZIVILE DIGITALE 2023

Su Dipartimentu de sas Políticas Giovaniles e de su Servìtzio Tzivile Universale at publicadu su bandu pro sos voluntàrios chi pertocat sos progetos de su Servìtzio Tzivile digitale de s'annu 2023.

Sos chi disizant èssere operadores voluntàrios ant a dèvere presentare sa dimanda pro partetzipare solu dae su situ *Domanda on line* (DOL) chi si podet agatare cun su PC, tablet e smartphone a s'indiritzu <https://domandaonline.serviziocivile.it>

Sas dimandas pro partetzipare divent èssere presentadas intra e non a pustis de su 10 de freàrgiu de su 2023 a sas duas de sero (h 14:00).

Sos tzitadinos italianos chi istant in Itàlia o in un'àteru istadu (èsteru) podent atzèdere solu cun SPID (Sistema Pùblicu de Identidade Digitale). In su situ de s'Agentzia pro s'Itàlia Digitale bi sunt totu sas informatziones de ite est su SPID, cales servìtzios dat e comente si pedit. Pro intrare in su situ DOL bi cheren sas credenziales de su SPID de su de duos livellos de siguresa.

**SOS LOGOS A DISPONIMENTU IN SU COMUNE DE TERRANOVA SUNT DUOS (N.2),
DE CUSTOS UNU LOGU ISPETAT A SOS CANDIDADOS CUN UN'ISEE CHI SIAT
PRUS PAGU DE € 15.000,00**

SETTORE EDUCATIVU-CULTURALE

**S'assegnu chi dant pro su servìtzio tzivile est de € 444,30 a su mese e previdit chi si traballet
pro vintichimbe (25)oras a sa chida pro dòighi (12) meses.**

**Pro pòdere atzèdere a su servìtzio tzivile sos candidatos ant a dèvere àere sos rechisidos chi
sighint:**

- tzitadinàntzia italiana, est a nàrrere chi istat in unu de sos àteros Istados chi faghent parte de s'Unione Europea, finas si est de un'Istadu a foras de s'Unione Europea bastat chi su candidadu istet in Itàlia;
- àere cromptidu degheoto annos de edade e de non nche àere brincadu sos vintoto annos de edade (28 annos e 364 dies) a sa data de sa presentatzione de sa dimanda;
- non àere àpidu cundennas finas no definitivas a sa pena de reclusione pro prus de un'annu pro unu delitu chena neghe, est a nàrrere una pena de reclusione finas de prus pagu importu de unu delitu contras a zente o pro chie at, impitat, giughet, carrat, batit a intro o giughet a foras, contras a sa lege, armas o matèrias chi tzocant, finas pro delitos chi pertocant su de leare parte o de agradessire a fìotos de eversivos, terroristas o de criminalidade cuncordada.

Sos rechisidos pro partetzipare si divent àere a sa data chi si presentat sa dimanda e, francu pro su lùmite de s'edade, si divent mantènnere finas a s'acabu de su servìtziu.

Podent presentare sa dimanda sos giòvanos chi:

- apant truncadu su servìtziu tzivile natzionale o universale a s'acabu de unu protzedimentu sanztonatòriu a càrrigu de s'ente;
- apant truncadu su servìtziu tzivile natzionale o universale ca nche ant coladu sas dies de maladia prevididas, bastat chi su tempus de servìtziu fatu non siat prus de ses meses;
- apant giai fatu su servìtziu tzivile in su cuntestu de su progetu isperimentale europeu *International Volunteering Opportunities for All* e in su cuntestu de sos progetos pro sos Corpos tziviles de paghe;
- apant giai fatu su “servìtziu tzivile regionale” chi est unu servìtziu fatu cun una lege regionale o de una provìntzia autònoma;
- in s'intrei de s'annu 2021 siant istados aviados a su servìtziu pro leare parte a unu progetu finantziadu dae su PON-IOG “Garantzia Giòvanos” e a s'ighire, a pustis chi su Dipartimentu at fatu sas verìficas, nche los apant bogados ca no aiant sos rechisidos de annanta chi bi sunt in s'artìculu 3;
- siant istadas ammissas a su Servìtziu tzivile in seletziones fatas in antis e postas in astensione ca fiant ràidas e pro sa maternidade, chi non nche ant acabadu sos ses meses de servìtziu.

Non podent presentare sa dimanda sos giòvanos chi:

- faghent parte de sos corpos militares e de sas fortzas de politzia;
- apant truncadu unu progetu de servìtziu tzivile natzionale, universale o finantziadu dae su PON-IOG “Garantzia Giòvanos” in antis de s'iscadèntzia previdida e chi si cherfant torrare a candidare pro progetos de custas calidades;
- apant, cando ant publicadu custu bandu, raportu de traballu/de collaboratzione pagada a cale si siat titulu, cun s'ente titolare de su progetu, o chi apant àpidu raportos de custa zenia chi siant aguantados pro prus de 12 meses in antis a sa data de publicatzione de su bandu, ruent a intro de custa zenia finas sos stage pagados.

Traballu a cura de s'Isportellu de Limba Sarda de Terranoa- Progetu “Tarranóa e Terranoa” – annualidade 2022 - Finantziadu dae sa RAS cun sa L. 482/99 e sa L.R 22/2018.

